

第一輯（上冊）

內蒙古史志資料選編

ᠨᠢᠮᠤᠭᠤᠯᠤᠰ ᠰᠢᠵᠢ ᠰᠠᠵᠤ ᠰᠠᠭᠤᠨ ᠠᠨᠤᠯᠤᠰ

內蒙古地方志編纂委員會總編室編印

内蒙古史志资料选编

第一辑

上册

目 录

内蒙古各部历史沿革.....	(1)
内蒙古各部地理.....	(65)
内蒙古各部王公世系.....	(106)
省疆域沿革.....	(195)
《蒙古鉴》选录.....	(351)

内蒙古各部历史沿革

藩部一

科尔沁

扎賚特

杜尔伯特

郭尔罗斯

喀喇沁

土默特

清起东夏，始定内盟。康熙、乾隆两截准部。自松花、黑龙諸江，迤邐而西，絕大漠，亘金山，疆丁零、鮮卑之域，南尽昆仑、析支、渠搜，三危既宅，至於黑水，皆为藩部。撫馭賓賁，愛越汉、唐。屏翰之重，所以宠之；甥舅之联，所以威之；銳刘之卫，所以怀之；教政之修，所以宣之。世更十二，載越廿纪，虔奉约束，聿共盟会，奥矣昌矣。若夫元之啟域，自为风气；明之蕃卫，虚有名字，盖未可以同年而語。帶礪之盛，具见世表。兹綜事实，列之为传。撰文奋武，悅近来远，疏附御侮，可得大凡。末造顛頽，乃彰畔渙。盛衰得失，斯可鉴已。

科尔沁部，在喜峰口外，至京师千二百八十里。东西距八百七十里，南北距二千有百里。东扎賚特，西扎魯特，南盛京边墙，北黑龙江。

元太祖削平西北諸国，建王、駙馬等世守之，为今内外扎薩克蒙古所自出。

科尔沁始祖曰哈布图哈薩尔，元太祖弟，今科尔沁六扎薩克，及扎賚特、杜尔伯特、郭尔罗斯、阿嚕科尔沁、四子部落、茂明安、乌喇特、阿拉善、青海和碩特，皆其裔。哈

布图哈萨尔十四传至奎蒙克塔斯哈喇，有子二：长博弟达喇，号卓尔郭勒諾顏；次諾捫达喇，号噶勒济庫諾顏。

博弟达喇子九：长齐齐克，号巴图尔諾顏，为土谢图汗奥巴、扎萨克图郡王布达齐二旗祖；次纳穆賽，号都喇勒諾顏，为达尔汉亲王滿珠习礼、冰图郡王洪果尔、贝勒栋果尔三旗祖；次乌巴什，号鄂特欢諾顏，见郭尔罗斯传；次乌延岱科托果尔；次托多巴图尔喀喇；次拜新；次額勒济格卓哩克图，裔不著；次爱纳噶，号车臣諾顏，见杜尔伯特传；次阿敏，号巴噶諾顏，见扎赉特传。諾捫达喇子一，曰哲格尔德，为扎薩克鎮国公喇嘛什希一旗祖。

蒙古强部有三：曰察哈尔；曰喀尔喀；曰卫拉特，即厄鲁特。明洪熙间，科尔沁为卫拉特所破，避居嫩江，以同族有阿噜科尔沁，号嫩江科尔沁以自别。扎赉特、杜尔伯特，郭尔罗斯三部与同牧，服属于察哈尔。

太祖癸巳年，科尔沁台吉齐齐克子翁果岱，纳穆賽子莽古斯、明安等，随叶赫部台吉布斋，糾哈达、乌拉、輝发、錫伯、卦尔察、珠舍里、纳殷諸部来侵，攻赫济格城不下，陈兵古嘒山。上亲御之，至扎喀路，諭諸將曰：“彼虽众，皆乌合。我以逸待劳，伤其一二台吉，众自潰。”命巴图鲁額亦都率百骑挑战，叶赫諸部兵罢攻城来御，逆击之。明安馬蹶，裸而遁，追至哈达部柴河寨南，俘获甚众。戊申，征乌拉部，围宜罕阿林城，翁果岱复助乌拉台吉布占泰，我师击败之。于是莽古斯，明安、翁果岱先后遣使乞好。

天命九年，翁果岱子奥巴率族来归。寻为察哈尔所侵，我援之，解围去。天聪二年，会大軍征察哈尔。三年，从征

明，克遼化州，围北京。五年，围大凌河，降其将祖大寿。六年，从略大同、宣府边。八年，复从征明。

十年春，大軍平察哈尔，获元传国玉玺。奥巴子土谢图济农巴达礼偕台吉乌克善、满珠习礼、布达齐、洪果尔、喇嘛什希、栋果尔，及扎赉特，杜尔伯特、郭尔罗斯、喀喇沁、土默特、敖汉、奈曼、巴林、扎噜特、阿噜科尔沁、翁牛特諸部长来贺捷。以上功德隆，宜正位号，遣朝鮮国王书，示推戴意。四月，合疏上尊号，改元崇德。礼成，叙功，诏科尔沁部设扎薩克五：曰巴达礼，曰满珠习礼，曰布达齐，曰洪果尔，曰喇嘛什希，分領其众，賜亲王、郡王、镇国公爵有差。十月，命大学士希福等赴其部，鞠罪犯，頒法律，禁奸盜，編佐領。二年，从征喀木尼堪部及朝鮮。三年，征喀尔喀。四年春，征索伦。秋，围明杏山、高桥。八年，随饒餘貝勒阿巴泰、护軍統領阿尔津征明及黑龙江諸部。

順治元年，偕扎赉特、杜尔伯特、郭尔罗斯兵随睿亲王多尔袞入山海关，走流贼李自成，追至望都。二年，随豫亲王多鐸定江南。三年，复随剿苏尼特叛人腾机思，敗喀尔喀土谢图汗、车臣汗援兵。七年，科尔沁复设扎薩克一，以栋果尔子彰吉伦領之，由贝勒晋郡王爵。十三年，上以科尔沁及扎赉特、杜尔伯特、郭尔罗斯、喀喇沁、土默特、敖汉、奈曼、巴林、扎噜特、阿噜科尔沁、翁牛特、乌珠穆沁、浩齐特、苏尼特、阿巴噶、四子部落、乌喇特、喀尔喀左翼、鄂尔多斯諸扎薩克归诚久，賜敕曰：“尔等秉资忠直，当太祖、太宗开創之初，诚心归附，取效屏藩。太祖、太宗嘉尔勋

勞，崇封爵号，賞賚有加。朝覲貢獻，時令陛見，飲食教誨，為數甚多。凡有懷欲吐，俱得陳奏，心意和諧，如同父子。朕荷祖宗鴻庥，統一寰宇。恐于懿行有違，成宪未洽，恒用忧惕。親政以來，六年于茲，未得與爾等一見，虽因万几少暇，而懷爾之忱，時切朕念。每思爾等效力有年，功績卓著，虽在庶牀，未之有數。誠以爾等相見既疏，恐有壅蔽，不能上通，故特遣官賚敕賜币，以諭朕意。嗣后有所欲諮，隨時奏聞，朕无不体恤而行。朕方思致天下于太平，爾等心怀忠荃，毋忘兩朝恩寵。朕世世為天子，爾等亦世世為王，享富貴于无窮，垂芳名于不朽，不亦休乎！”

康熙十三年，征所部兵討逆藩吳三桂。十四年，剿察哈爾叛人布尔尼。先是科尔沁內附，莽古斯以女歸太宗文皇帝，是為孝端文皇后。孫烏克善等復以女弟來歸，是為孝庄文皇后。曾孫綽爾濟復以女歸世祖章皇帝，是為孝惠章皇后。科尔沁以列朝外戚，荷國恩獨厚，列內扎薩克二十四部首。有大征伐，必以兵從，如親征噶爾丹，及剿策妄阿喇布坦、羅布藏丹津、噶爾丹策凌、達瓦齊諸役、扎薩克等效力戎行，莫不懋著勳勞。土謝圖親王、达尔漢親王、卓哩克圖親王、扎薩克圖郡王四爵俸币視他部獨增，非惟礼崇姻戚，抑以其功冠焉。所部六旗，分左右翼。土謝圖親王掌右翼，附扎賚特部一旗、杜爾伯特部一旗；达尔漢親王掌左翼，附郭爾羅斯部二旗，統盟于哲里木。右翼中旗駐巴顏和翔，左翼中旗駐伊克唐噶哩克坡，右翼前旗駐席喇布尔哈蘇，右翼后旗駐額木圖坡。左翼前旗駐伊岳克里泊，左翼后旗駐双和爾山。爵十有七，扎薩克和碩土謝圖親王一，附多羅貝勒

一，扎萨克和碩达尔汉亲王一；附卓哩克图亲王一，多罗郡王二，一由亲王降袭；多罗贝勒一；固山贝子一；辅国公四，一由贝子降袭；扎萨克多罗扎萨克图郡王一；扎萨克多罗冰图郡王一；扎萨克多罗郡王一，由贝勒晋袭；附辅国公一，由贝子降袭；扎萨克镇国公一。左翼中旗扎萨克达尔汉亲王满珠习礼之玄孙色布腾巴勒珠尔，乾隆十一年三月尙固伦和敬公主。二十年，准噶尔之平，以功加双俸，寻以阿睦尔撒纳叛事，夺爵。二十三年，复封和碩亲王。三十七年，与征金川，又以附富德劾阿桂，夺爵。四十年，复之。

四传至棍楚克林沁，袭镇国公，官至御前大臣，卒。其后左翼中旗辅国公二，左翼后旗辅国公一，均停袭。左翼后旗扎萨克多罗郡王僧格林沁，以军功晋博多勒噶台和碩亲王。同治二年，予世袭罔替。四年，以剿捻匪阵亡，自有传。其旗增多罗贝勒一，辅国公二，皆以僧格林沁功。

僧格林沁子伯彦訥謨祜，初封辅国公。同治三年，晋贝勒。四年七月，袭博多勒噶台亲王，为御前大臣。十一月，命与左翼中旗扎萨克达尔汉亲王索特那木朋苏克等选马队剿奉天马贼。五年二月，大破马贼于郑家屯。三月，命捕吉林余匪。六月，条陈奉天善后事宜，诏如所请行。匪平，回京。光緒初，德宗典学，命在毓庆宫行走，授兼镶黄旗领侍卫内大臣。十七年，卒。

自道光季年海防事起，洎咸丰三年粤逆北犯，八年海防又急，皆调东三盟兵协同防剿，科尔沁部为之冠，予爵职、给荫袭者，皆甲諸部。僧格林沁之亡，始撤哲里木盟兵旋所部。

初，科尔沁諸旗以距奉天近，皆招佃內地民人开垦。乾隆四十九年，盛京將軍永瑋等奏：“案圖王旗界內所留民人近铁岭者。达尔汉王旗所留民人近开原者，即交铁岭县、开原县治之”。嘉庆十一年十月，盛京將軍富俊等以左翼后旗昌图額勒克地方招垦閑荒，经历四載，人民四万有奇。請增置理事通判治之。达尔汉王旗界內所留人民，亦交通判就近并治，时諸旗扎萨克、王、公等多招民人垦荒，积欠抗租，则又請驅逐。廷议非之，严定招垦之禁，已佃者不得逐，未垦者不得招。道光元年，左翼中旗扎萨克达尔汉亲王布彦温都尔瑚竟以垦事延不就鞠，夺扎萨克。然私放私垦者仍日有所增，流民游匪于焉麋集。同治中，以昌图匪乱，通判秩輕，升为理事同治。光緒二年，署盛京將軍崇厚奏设官撫治，以清盜源、遂升昌图同知为府，以原垦达尔汉王旗之梨树城、八面城地置奉化、怀德二县隶之。七年，又设康平县于康家屯，隶之。二十八年，盛京將軍增祺奏设辽源州于苏家屯，隶之。皆治左翼三旗垦民。

是年，右翼前旗扎萨克图郡王乌泰以放荒事屢被劾，命礼部尙书裕德会增祺勘治。四月，复奏言：“乌泰已放荒界南北长三百余里，东西宽一百余里，外来客民有一千二百六十余户。乌泰不諳放荒章程，以致嗜利之徒，任意垦占，转相私售。实已暗增数千余户。新开荒地又增长三百余里，宽一百余里。梅楞齐莫特、色楞等复袒护荒户，阻台吉壮丁在新放荒地游牧。协理台吉巴图济尔噶勒遂以斂財聚众，不恤旗艰，控之理藩院。经传集乌泰等亲自宣导。均各悔悟，愿前洗前愆，驅除渎恩、和同办理旗务。請将乌泰、巴图济尔噶

勒暫革，仍准留任，勒限三年，限滿經理得宜，由閩旗呈請開復，否則永遠革任；齊莫特、色楞等均分別屏黜，不准干預旗務。并为定額荒招垦章程，荒价则一半报效国家，一半归之蒙旗。升科则每晌以中錢二百四十为筹餉设官等经费，以四百二十作蒙古生计，自王府至台吉、壮丁、喇嘛，各有得数。仍酌留余荒，讲求牧养。”均报可。十月，增祺又奏勘明是旗洮尔河南北已垦未垦之地，约有一千余万亩，派员设局丈量。三十年，以其地置洮南府，並置靖安、开通二县隶之。三十一年，盛京將軍赵尔巽以右翼后镇国公旗垦地置安广县，而法庫門旧为左翼中达尔汉王諸旗招垦地。亦置同知治之。三十四年，东三省总督徐世昌以右翼中旗和碩土谢图亲王垦地置醴泉等县。于是科尔沁六旗垦地几遍，郡旗亦最多，諸扎萨克王公等得租丰溢，而化沙砾为膏沃，地方亦日臻富庶。

諸扎萨克王公等世次皆见表，惟右翼和碩土谢国亲王色旺諾尔布桑宝以庚子之变，中外多故，殒于非命。裕德等勘奏，謂为属员逼勒而死，因請治逼勒者如律。尋增祺奏以族子业喜海順承袭，传爵如故。

凡蒙旗，扎萨克为一旗之长，制如一品，与都统等。其辅曰协理台吉。属曰管旗章京，付章京，参領、佐領。蒙語管旗章京曰梅楞，参領曰扎兰，佐領曰苏木。苏木实分治土地人民。其佐領之額，右翼中旗二十二，左翼中旗四十六，右翼前旗、后旗均十六，左翼前旗、后旗均三。凡哲里木盟重大事件，科尔沁六旗以近奉天，故由盛京將軍专奏。郭尔罗斯前旗一旗以近吉林，郭尔罗斯后旗、扎賚特、杜尔伯特

三旗以近黑龙江，故各由其省將軍專奏。

扎賚特部，元太祖弟哈布圖哈薩爾十五傳至博第達喇，有子九，阿敏其季也。與兄齊齊克、納穆賽等領牧，號所部曰扎賚特。天命九年，阿敏子蒙袞偕科爾沁台吉奧巴遣使乞好，優詔答之，遂率屬來歸。順治五年，授蒙袞子色棱扎薩克，以與科爾沁同祖。附之，隸哲里木盟。旗一，駐圖卜鍾察罕坡。其爵為扎薩克多羅貝勒，由固山貝子晉襲。

光緒二十五年，黑龍江將軍恩澤等奏：“以戶部咨，黑龍江副都統壽山條奏，請放蒙古各族荒地，派員赴扎賚特旗剴切勸商，願將屬界南接郭爾羅斯前旗、東濱嫩江之四家子、二龍梭口等處，指出開放，南北約長三百餘里，東西寬百餘里或三四十里，設局勘辦。并謂若大東以至大西，使沿邊各蒙旗均能招民墾荒，則強富可期，即可無北鄙之驚。”下所司議行。先是哲里木盟諸旗皆以禁墾甲令過嚴，無敢明言招墾者，至是始接踵開放云。三十一年，以墾地置大賚斤治之。是部有佐領十六。

杜爾伯特部，在喜峰口外，至京師二千五十里。東西距百七十里，南北距二百四十里。東及北皆黑龍江，西扎賚特。南郭爾羅斯、北界索倫藩部。蒙古稱杜爾伯特部者二，同名異族。一姓鮮噶斯，為卫拉特台吉李罕裔，旗十有四，駐牧烏蘭古木，稱外扎薩克。別有傳。一姓博爾濟吉特，為元太祖弟哈布圖哈薩爾裔，即今駐喜峰口外之內扎薩克也。

哈布圖哈薩爾十六傳至愛納噶，始以名其部。天命九年，愛納噶子阿都齊偕科爾沁台吉奧巴遣使乞好，優詔達之，遂率屬來歸。順治五年，授阿都齊子色棱扎薩克，以與

科尔沁同祖，附之，隶哲里木盟。旗一，驻多克多尔坡。其爵为扎萨克固山贝子。

同治二年，杜尔伯特貝子貢噶綽克坦咨黑龙江將軍，請將交界重立封堆。尋勘明：“巴勒該岡以北黑龙江界內，有杜爾伯特蒙人等屯居四處。牌莫多以南杜爾伯特界內，有黑龙江省屬人等居屯八處。旧界所占均系旷地，应准各就其所。以安生计。蒙古越占巴勒該岡地，应将南榆树改为新界。省属人等越占牌莫多地。应将四六山改为新界。共立界堆十七。”奏入，诏如议。四年，貢噶綽克坦复咨以新立界堆將蒙古田地草厂归入省界。有碍蒙古生计。诏派副都统克蒙額与哲里木盟长及杜爾伯特会勘，划还塔尔欢屯以东第十、第十一封堆之西蒙古城塋房基。平毀二十顆树封堆之南蒙界旗屯房屋，又增立界堆十有九，并以牌莫多以南官屯旧占蒙屯较巴勒該岡以北蒙屯的旧有屯多地十三里，拨二十顆树封堆之南省属空闲地如数补之。七年六月奏结，請飭貝子貢噶綽克坦严约属人照界永远遵守，报可。十年，以是旗私招民人垦荒，严申禁令，革其协理台吉。光緒二十五年，將軍恩澤以招垦蒙地，关边固富强大计，复奏派员商劝放垦。时东三省铁路之约既成，是部当铁路之冲，交涉烦多，商民萃集。三十二年，因以所部垦地置安达厅治之，隶黑龙江。是部一旗，有佐領二十五。

郭尔罗斯部，在喜峯口外，至京师千八百九十七里。东西距四百五十里。南北距六百六十里。南盛京边墙，东吉林府，西及北科尔沁。

元太祖遣弟哈布图哈萨尔征郭尔罗斯部，十六传至乌巴

什，即以为所部号。子莽果仍之。

天命九年，莽果子布木巴偕科尔沁台吉奥巴遣使乞好，优诏答之，遂率属来归。会察哈尔林丹汗掠科尔沁，遣军由郭尔罗斯境往援，至农安塔。林丹汗遁，不敢复犯科尔沁及郭尔罗斯诸部。嗣设扎萨克二：曰布木巴，爵镇国公；曰固穆，为布木巴从弟，爵辅国公。以与科尔沁同祖，附之。求哲里木盟。旗二：前旗驻固尔班察汗，后旗驻榛子岭。爵三：扎萨克辅国公一，扎萨克台吉一，附镇国公一。

是部布木巴一旗为前旗，近吉林。嘉庆五年吉林将军秀林奏以郭尔罗斯垦地置长春理事通判，並請分征其租，上以非体斥之。十传至喀尔玛什迪，由光緒九年削扎萨克，公爵如故。以其族等台吉巴雅斯呼朗代为扎萨克。光緒十三年，复升长春厅为府。于是旗界内辽黄龙府旧地置农安县，隶之。三十四年，又以垦地增广，分置长岭县。宣统二年，分长春府地置德惠县。旋又定国家与蒙古分收民租例。是旗置郡县凡四，皆隶吉林。

固穆一旗为后旗，近黑龙江，亦当东三省铁路之冲。光緒三年，以垦地置肇州厅，隶黑龙江。后又分置肇东经历。是部二旗，垦地分隶吉林、黑龙江二省。前旗有佐领二十三。后旗有佐领三十四。

喀喇沁部，在喜峰口外，至京师七百六十里。东西距五百里，南北距四百五十里。东土默特及敖汉、西察哈尔正蓝旗牧厂，南盛京边墙，北翁牛特。

元时有扎尔楚泰者，生济拉玛，佐元太祖有功。七传至和通，有众六千户、游牧额沁河，号所部曰喀喇沁。子格呼

薛罗特继之。

生子二：长格哷勒泰宰桑，为扎萨克杜棱貝勒固噜思奇布及扎萨克一等塔布囊格哷尔二旗祖；次图噜巴图尔，为扎萨克镇国公色棱一旗祖。格哷勒泰宰桑子四：长恩克，次准图，次鄂穆克图，均居喀喇沁。天聪二年二月，恩克曾孙苏布地以察哈尔林丹汗虐其部，偕弟万丹伟征等乞内附、表奏：

“察哈尔汗不道，喀喇沁被虐，因偕土默特、鄂尔多斯、阿巴噶、喀尔喀諸部兵，赴土默特之赵城，击察哈尔兵四万。还，值赴明清赏兵三千，复殄之。察哈尔根本动摇，事机可乘。皇帝儻兴师进剿，喀喇沁当先諸部至”。谕遣使面议。七月，遣喇嘛偕五百三十八人来朝，命貝勒阿济格、碩托迎宴，刑白马乌牛誓。九月，上亲征察哈尔、苏布地等迎会于赫洛郭勒，赐赉甚厚。三年正月，敕所部遵国宪。六月，苏布地及图噜巴图尔孙色棱等率属来归，诏还旧牧。十月，上征明，以塔布囊布尔哈图为导，入遵化，驻兵罗文峪。四年，布尔哈图为明兵所围，击败之，擒副将丁启明及游击一、都司二。诏嘉其功，赐庄田仆从及金币。六月，由都尔汗从征察哈尔，林丹汗遁，以所收察哈尔粮贮辽河守之。复分兵随貝勒阿济格略明大同、官府边。八年正月，偕巴林、阿鲁科尔沁、阿巴噶諸部兵收撫察哈尔流民。五月，从征明大同，至朔州。九年正月，诏编所部佐领，以苏布地子固噜思奇布掌右翼，色棱掌左翼。五月，选兵从征明，败之于辽河源。

崇德元年，诏授布尔哈图一等子，赐号岱达尔汉塔布囊。二年，遣大臣阿什达尔汉等赴其所部理庶獄。三年九月，随

大軍自密云入明边，敗其兵六千，十月，从征 前屯卫 及宁远。七年，从围蓟州，过北京，下山东。

順治元年，从入山海关，击流賊李自成。六年，从征喀尔喀。康熙十三年，大軍剿逆藩耿精忠等，所部塔布囊霍济格尔偕土默特塔布囊善达等，以兵赴兗州。十七年，上諭曰：“塔布囊霍济格尔等前自兗州赴浙江，听康亲王杰书调度。各统所属官兵征剿逆賊，深入閩省，同大兵平定逆藩耿精忠。行间效力，身先士卒，冲锋陷陣，奋勇用命，深为可嘉。宜降恩纶，即行议叙，以励后效。”二十年，上駐蹕和尔和，諭曰：“塔布囊霍济格尔出征时最著勳劳，今已溘逝。朕至此地，遣散秩大臣鄂齐等携茶酒往奠”。二十五年，叙平浙江，福建功，赐参領巴雅尔等十人世职。

二十九年，从征噶尔丹，敗之于乌兰布通。四十四年，诏增设一旗，以塔布囊格呼尔領之。五十四年，征所部兵千赴推河防御策妄阿喇布坦，寻命侍郎觉和托等携 帑 万 两 賜之，雍正九年，从征噶尔丹策凌。所部初设二旗，右翼駐錫伯河北，左翼駐巴顏珠尔克，后增一旗，駐左右翼界内。爵六：亲王品级扎萨克多罗杜棱郡王一，由貝勒晋襲；附镇国公一，由貝勒降襲；辅国公一；扎萨克多罗貝勒一，由貝子晋襲；扎萨克固山貝子一，由镇国公晋襲；扎萨克公品级一等塔布囊一。

乾隆四十一年，以所部垦地设平泉州。嘉庆八年，降爵。貝子丹巴多尔济以获逆犯陈德功，予貝勒，官至領侍卫内大臣、御前大臣，卒。光緒二十三年，扎萨克一等台吉塔布囊巴塔瑪鄂特萨尔以事革，复以貝勒熙凌阿襲。存爵

五。

是部招民垦地最在先。乾隆十四年。始定不許容留民人多垦地亩之禁。道光十九年，复定喀喇沁、土默特种地民人不得以所种地亩折算蒙古除貸銀錢例。光緒十七年，敖汉部金丹道匪之变，是部同时被扰。事平，特頒帑賑恤之。二十九年，热河都统錫良以左翼旗招华商承办全旗五金各矿，中旗同道胜銀行立有合同，开八里罕等地金矿，与定章应声明华、洋股本若干，及只准指定一处不准兼指数处者不符，詔飭外务部妥议办法。下所司议申定章约束之。

是部右翼旗有佐領四十四，中旗有佐領三十八，左翼旗有佐領四十，与土默特二旗统盟于卓索图。嘉庆中，设热河都统后，是盟与昭乌达盟重大事件，皆由都统专奏。道光末，筹直求海防，咸丰初，剿粵匪，皆征是盟之兵。与哲里木、昭乌达号东三盟兵，颇著功績云。

土默特部，在喜峰口外，至京师千里。东西距四百六十里，南北距三百有十里。东养息牧牧场，西喀喇沁，南盛京边墙，北喀尔喀左翼及敖汉。土默特分左右翼，异性同牧。主左翼者为元臣济拉瑪裔。自济拉瑪十三传至善巴，与喀喇沁为近族。主右翼者为元太祖裔。自元太祖十九传至鄂木布楚琥尔，生子固穆，与归化城土默特为近族。

天聰三年，善巴、鄂木布楚琥尔各率属来归。八年六月，选兵从征明，頒示軍律。七月，由独石口入明边，会大軍于保安州，分兵隶都统武訥格，略察哈尔边。九年，诏编所部佐領，设扎萨克三：曰善巴、曰賡格尔、曰鄂木布楚琥尔。賡格尔者，善巴族也。崇德二年，以罪削扎萨克，善巴

領其衆。自是土默特分左右翼，命善巴及鄂木布楚琥爾掌之。是年遣大臣阿什达尔漢等赴其部理庶獄。六年，從圍明錦州，敗總督洪承疇援兵。八年，隨饒余貝勒阿巴泰征明。

順治元年，從入山海关，击流賊李自成。三年，隨剿蘇尼特部叛人騰機思。康熙元年，喀爾喀台吉巴爾冰圖來歸，詔附土默特牧。十三年，大軍剿逆藩耿精忠等，詔所部塔布囊善達偕喀喇沁塔布囊霍濟格爾以兵赴兗州听調。十七年，調赴浙江，隨康親王杰書進剿。閩地悉定，諭優叙。五十五年，詔選兵千隨公傅爾丹屯鄂爾坤。五十九年，以旱欠收，賜帑賑之。雍正三年，塔布囊沙津達賚隨大軍防禦准噶爾。七年，封鎮國公。九年，大將軍傅爾丹击准噶爾于和通呼爾哈諾爾，沙津達賚陣逃，削爵，而土默特部將之隨參贊內大臣馬蘭泰者，敗賊西爾哈昭，斬獲甚衆，稍雪耻焉。

所部二旗，左翼駐海他哈山，右翼駐巴顏和朔，隸卓索圖盟。爵三：扎薩克多羅达尔漢貝勒一，由鎮國公晉襲，附喀爾喀貝勒一，扎薩克固山貝子一。

乾隆四十一年，以部垦地置朝阳县。同治九年，以右翼旗箭丁等屢控扎薩克貝子索特那木色登科派太重，于是管旗章京阿阿尙等以因公派錢不能体恤，均革。热河都統庫克吉泰因奏變通土默特比丁章程，申明交納丁錢旧章，箭丁子女不許妄行役使及隨侍陪嫁，八枝箭丁仍歸土默特管束。光緒十七年，敖漢部全丹道匪之變，是部同時被扰。事平，賑恤之。左翼有佐領八十，右翼有佐領九十，于諸旗為特多焉。

藩部二

敖汉	奈曼	巴林	扎嚕特
阿魯科尔沁	翁牛特		克什克騰
喀尔喀左翼	烏珠穆沁		浩齐特
苏尼特	阿巴噶		阿巴哈纳尔

敖汉部，在喜峰口外，至京师千有十里。东西距百六十里，南北距二百八十里。东奈曼，西喀喇沁，南土默特，北翁牛特。

内扎萨克二十四部，自科尔沁、扎賚特。杜尔伯特、郭尔罗斯、喀喇沁、土默特左翼、阿魯科尔沁、翁牛特、阿巴噶、阿巴哈纳尔、四子部落、茂明安、烏喇特外，皆元太祖十五世孙达延车臣汗之裔。达延车臣汗子十一：长图魯博罗特，其嗣为敖汉、奈曼、烏珠穆沁、浩齐特、苏尼特五部；第三子巴尔苏博罗特，其嗣为土默特右翼一旗及鄂尔多斯部；第五子阿尔楚博罗特，其嗣为巴林、扎嚕特二部；第六子鄂齐尔博罗特，其嗣为克什克騰部；第十一子格噶森扎扎賚尔琿台吉，其嗣为喀尔喀左翼、喀尔喀右翼二部；余皆不著。图魯博罗特子二：长博第阿喇克，詳烏珠穆沁传；次纳密克，生貝瑪土谢图。子二：长岱青杜楞，号所部曰敖汉；次額森布徵諾顏，詳奈曼传。